

# Ene histwâre du lum'rète

Conte Ardennais de Gaston LUCY



Ou siêke passé, dins in p'tit viadje du l' Basse Sumwas, i s'avot passé ène afwêre tèlmint bizâre, k'on n'n'è jamwês sù l'fin mot.

Cand on va du ç'viadje là ou çî d'à costé, on wè ène grande rotche, drète, à pic, à drète du l' vôye.

On dit ku là, ène houme è poûssî s'frère à l' valée, mês pèrson.ne n'è jamwês sù l'prouver.

En face du l'çumintîre, à dulon du l'vôye, i gnè in batch (abreuvoir).

Il è sté in tims ku, à kékes moumints d' l'anée, ène lum'rète vinot dansî su l'vant, à du lon d'la S'mwa, pî ile finichot sa danse dins l'batch' et on n' la wéyot pu.

Les vîes djins su sagnint à la wèyant è i s'dumandint si ç'astot l'âme du çî k'avot sté tuwé, û bin l'âme du çî ki l'avot tuwé.

Lu pu vî des frères, çu-tia k'avot poûssî l'ôte, avot moru èn' an û deus après l'crime.

Les vîes djins racontint ku la lum'rète astot l'âme du yink du zès deux, mês du ké ?

Pèrson.ne n'è jamwê polu rusponde.

Gaston LUCY